

يازيشما و نقد ائتمك هانكى اساسدا اولماليدير؟

حسن كريمزاده، ✍️ □ دكتور ح.ك.ص نين مقاله سينه باخيش!

يازيشماق و نقد ائتمك هر هانكى بير شخسى تئرورا معروض قويماق مقصدى دئييل، انسان توپلومونو و اجتماعيتى بيلگيلنديرمك و قارشى طرفين گؤرمديگى مقاملارى آچيqliغا قاويشديرماغا خدمت ائتمه لى بير مقام سايلماليدير. بو باخيمدان حسن كريمزاده ✍️ □ دكتور ح.ك.ص ذاتين مجازى دونيادا قلم وورماسى دقت چكيچى سايللار. بو ذات سايقين احمد اوبالى ايله هرهانكى بير چوروده جك شخسى حئساب اولوب اولماديغى اونون اؤزونه عاييد اولماسينا باخمايaraq احمد اوبالى اجتماعى بير خاديم اولدوغو اوچون حسن كريمزاده نين اجتماعيت حئسابيندان اؤز شخسى حئسابينا خرج ائتمگى يول وئريملز سايللار. بو باخيمدان سايقين احمد اوبالى "تورك ملتى، يوخسا تورك ملتلى" گؤروشو اوزره ائتمديگى چيخيشى اوزره سوروشولموش بير سورقويا جاواب وئرمه لى اولدوم¹. يئرى گلْميشكن بير داها او سورقو و جاوابى سرگيله مه لى اولوروق:

سورقو: بعضيلرى "احمد اوبالى" نين تورك ملتى آنلايشينى انكار ائتمديگىنى ادعا ائدرلر. بو دوغرولتودا نه دئتمك ايستردينيز؟

جاواب: ✍️ سايقين احمد اوبالى بگ، تورك مى وارليغىنى داناچاق بير شخس دئييل، دوشونجه باخيميندان سايقين احمد اوبالىنى اؤزلىنه رقيب گؤرنلر، يوخسا اؤزلىرىنى احمد اوبالى قارشىسينا رقيب كيمى تقديم ائتمگه چالیشانلار "آذربايجان توركلوگو" آنلايشينى عموم "تورك" دئيمى يوخسا ملتينه بوكه رك اؤزلىرىنى قهرمان و پهلوان دئيه تقديم ائتمگه چالیشانلار. احمد اوبالى بگين ملت آنلايشى ديل، مدنيت مدنيت اؤزلىكلرى و تورپاق اساسلى بير آنلايش سايللار. بو اساسدا او آذربايجان توركلوگونه منسوب اولان شخصلرى "تورك، آذربايجان توركو"، ائتنك آذربايجان جغرافياسيندا ياشايان توركلرى "آذربايجان ملتى" دئيه قلمه آلا. دئتمك، احمد اوبالى نين گؤروشو آذربايجان توركلوگونو دانماق و انكار ائتمك اساسيندا دئييل، آذربايجان توركلوگونو ديل، مدنيت و تورپاق اساسيندا نظره آلميش بير آنلايش سايللار. بو دوغرولتودا ايستر گوناز تئلويزيونوندا، ايسترسه ده اينتئرنت دنياسيندا منيم ده گؤروشلريم اولموش. دئتمك، بو گؤروش يالنيز احمد اوبالى بگه عاييد دئييل، سوسيولوق عليرضا اصغرزاده، توركولوق و ائتنولوق ايشيق سؤنمز و باشقا ديل، مدنيتلر و ادبياتلار ايله اوغراشان شخصلرين ده عئلمى گؤروشلىرى بو دوغرولتودا اورتايا قويولموش.


قايناقلار:

1) ایشیق سؤنمز، آذری یوخسا آذربایجان تورکو، آذربایجان ملتی و ائتتیک گوئی آذربایجان توپراقلاری:

<http://isiqsonmaz.com/Seite%20299.htm>

2) ایشیق سؤنمز، آذربایجان تورک ملتی یوخسا آذربایجان ملتی:

<http://isiqsonmaz.com/Seite%20300.htm> ².

بو سورقو جاوابا حسن کریمزاده  دکتور ح.ک.ص نین بیلدیردیگی مناسبت دقت چکیچی ساییلار. قضاوتی اوخوجولارا بوراخاراق بو ذاتین گؤروشلرینی نقد ائتمگی ده اؤزومه بیر بورج



حئساب ائدیرم. سوروشولموش سورقوبا جاواب یازارکن من بو دوغرولتودا یازمیش ایکی مقاله مین لینکینی ده؛ "آذربایجان تورک ملتی یوخسا آذربایجان ملتی" و "آذری یوخسا آذربایجان تورکو، آذربایجان ملتی و ائتتیک گوئی آذربایجان توپراقلاری"³ دئییه اوخوجولارا داها آیرینتیلی بیلگی وئرمگه چالیشدیم. حسن کریمزاده  دکتور ح.ک.ص ایسه احمد اوبالی اوزره گلن گئندی چکدیگی و اؤلدورمک قصدینه قاپلیدیگی اوچون احمد اوبالی نین گؤروشلری اوزره وئردیگیم ایضاحی اسکرینشات ائده رک منیم مسئله یه نئجه یاناشمامی گؤز آردی ائده رک منه ده خلاص اوخونو آتماغا چالیشمیش (باخ اسکرینشات)⁴.

یئری گلمیشکن احمد اوبالی نین

گؤروشلرینی سرگیله یه رک حسن

کریمزاده  دکتور ح.ک.ص ایضاسی ایله مقاله یه یازلمیش گؤروشلری گؤتور قوی ائتمگه

چالیشاق. احمد اوبالی نین گؤروشونه گؤره "تورک دیلی ملتلر" وار. بو مسئله نین ایضاحی

ایسه جغرافی بؤلگه و وطن آنلایشی ایله اؤزونو تاماملایان بیر آنلایش ساییلار⁵. یئری

گلمیشکن حسن کریمزاده  دکتور ح.ک.ص ایضاسی ایله منیم یازدیغیم جاوابا مناسبتینی

گۆتور قوی ائده رک بو ذاتین هانکی اؤلچوده اجتماعی و سیاسی مسئله لره مونسبت بیلدیرمه نی اؤیرنمیش اولاق. مقاله نین باشلیغیندا اوخویوروق:

""سید" ها بلا ی جان آذربایجان"⁶.

اوسته گۆروندوگو کیمی سید احمد کسروی و سید جواد طباطبایی لری فارس مدنیت راسیستلیک گۆروشلیرینی مؤلیف اوزونه الک ائده رک بیر عموم حؤکم صادیر ائتمگه و "سیدلری" آذربایجانا بیر بلا قلمه آماغا چالیشمیش. بو گۆروشه اساسا آذربایجانداکی بوتون سیدلر آذربایجان تورکلوگونه بیر بلا ساییلارمیش. بو گۆروش بیر تمامیتچی و توتالیتئر و فاشیستلیک بیر گۆروش ساییلار. آدولف هیتلر ده بئلنچی بیر تمامیتچی گۆروشدن یولاچیخاراق یهودیلری "گر کنچیلر (Sündenbock) قلمه آماقلا انسان یاخماق کوره لری ایشه سالماغا باشلامیش. بیلیندیگی کیمی ایران ممالیکی محروسه سینده پان ایرانستلیک و فارس مدنیت راسیستلیگی نین اساسینی قویموشلار احمد کسروی و جواد طباطباییلر دئییل، بونلار دا میرزه فتحعلی آخوندزاده، جلال الدین میزه قاجار، حسین کاظمزاده (ایران شهر) آدلی فارس مدنیت راسیستلری و بیر چوخ فارس راسیستلری گئری بوراخمیش ادبیاتدان تغذیه اولاراق انحرافا چکیلیمیشلر. حسن کریمزاده ⁶ □ دکتور ح.ک.ص مقاله سینده اوخویوروق:

"به نوعی با آوردن القابی چون "اتیمولوژ، زبان شناس، لغت نامه نویس" برای دیگر فعالان سعی شده است چنین القا کنند که سخنان "سید احمد اوبالی" مبنی بر وجود نداشتن و اشتباه و جعلی بودن عنوان "ملت تورک" درست است چون دکتورها و زبان شناسان هم این مورد را تایید می کنند"⁷.

اوسته گۆروندوگو کیمی سورقویا جاواب اولاراق آرتیردیغیم مقاله لری اوخومادان مؤلیف حؤکوم صادیر ائتمگه باشلامیش. یئری گلیمشکن قیساجا آذربایجان تورکلری نین تاریخده نجه آدلانماسی اوزره بیلگیلرین قیساتیلیمیشینی آدی کئچن مقالردن اوخوموش اولاق.

"آذربایجان تورکلری اؤزلرینی تاریخ بویو تورک آدلاندیرمالارینا باخمایاراق قونشو خالقلار طرفیندن آذربایجان تورکلری یئرینه گۆره تورک (فارسلار، کوردلر، لور، گیلکلر و ساییره)، تاتار (روسلار طرفیندن) و قیزیلباش (عثمانلیلار طرفیندن) آدلانمیشلار. فرانسه انقلابیندان باشلایاراق دونیادا میللتلشمه سورج و پروسئسی حیاتا کئچمه سینه باخمایاراق بیلیم و عئلمین گلیمه سی ایله دنیا آذربایجانلیلاری میللی بیلینج و میللی منلیک آچیسیندان سیاست آلانیندا اؤزلرینی دنیا ایجتماعتینه توپلوم اولاراق سونمادیقلاری (تقدیم ائتمدیکلری) اوچون دنیا بیلیم اوجاقلاری باشدا آروپاداکی بیلیم اوجاقلاری اولاراق آذربایجانلیلارا آد وئرمه گه چالیشمیشلار. روس مترجمی ماکاروو 1848 اینچی ایل قافقاز دیللی نین قارشیلانمیش گئرامتری کیتابیندا آذربایجان تورکچه سینده دانیشانلاری بوگون روس دیلینده یازیلیمیش

آذربایجانسکی بیچیمینده دئیل، آذربیدژانسکی بیچیمینده قلمه آلاق روس چارلیغینداکی آذربایجانلیلارا وئرلمیش "تاتار" دئیمینی بیلیم اوجاقلاریندان گئری اوتورتماغا چالیشمیش⁸. بو اساسدا 1885 Herrmann Vambery اینجی ایل Türkenvolk آدلی یازمیش و آلمانین درئسدن شهرینده چاپ اولموش کتابدا آذربایجان تورکجه سینده دانیشانلاری "Aserbajdshaner" آذربایجانلیلار "دئییه آدلاندیرمیش⁹. آلمان تورکولوکو کارل فوی 1903 اونجو ایل آذربایجان تورکجه سینده دانیشانلاری "آذربایجانلی" آدلاندیرمیش¹⁰. ایران دیلبری بیلگینی هئلموت ریتر (آلمان) 1921 اینجی ایل آذربایجان تورکجه سینده دانیشانلاری "آذربایجانلی" قلمه آلمیش¹¹. روسیه ده اوکتیابر اینقلابی باش وئردیکدن و قوزئی آذربایجاندا 1920 اینجی ایل آذربایجان میللی حؤکومتی روسیه بولشویکلری نین ایشغالینا معروض قالدیقان سونرا بیلیم اوجاقلاری طرفیندن قبول اولونموش آذربایجانسکی "آذربایجانلی" آدی رسمی اولراق روسیه سؤیئتلیک حاکیمیتی طرفیندن آذربایجان تورکجه سیندی دانیشان اینسانلارا میللی آدی دئییه قبول اولونموش. او تاریخدن اعتیبارن آذربایجان جمهوریتی وطنداشلاری میللی کیملیک اولراق آذربایجانلی قلمه آینار. اوسته سیرالادیغیمیز فاکتورلار اساسن بیرینجی دؤنه آذربایجانلی یوخسا آذربایجانسکی آدینی بیر خالق آدی اولراق استالین طرفیندن آذربایجانلیلارا قویولموش آدی دئمک تاریخی گئرجکلیک و واقعیتلر ایله اؤتوشمز گؤرونر. بوگون ایران ممالیکی محروسه سینده میللی منلیک مجادیله سی وئرن و آذربایجان تورکجه سینده دانیشان انسانلارین "هارای هارای من تورکم" دئیکلرینه باخماپاراق تورکیه لی، قازاقیستانلی، اؤزبکیستانلی، تورکمینیستانلی، تاتاریستانلی، باشقیردیستانلی، یاقوتیستانلی، اوغوریستانلی، تووالی، چوواشلی و آدلارینی داها سیرالامادیغیمیز مملکت وطنداشلاری دئیل، دبل، مدنیت و تاریخ آچیسیندان "آذربایجانلی" ساییلارلار. بئله لیکله دونیا آذربایجانلیلاری ایستر اوپروق (تابعیت) و ایسترسه ده میللی کیملیک باخیمیندان دونیا بیلیم اوجاقلاری و سیاست دونیاسیندا آذربایجانلی آدلانارلار. یازلمیش مطلبلرین بیر داها بو یازیا آرتیریلماسی یاخشی اولماز دئییه ماراقلی اولانلار اوچون "تورک دیلبری" اوزره مقاله نین لینکی آرتیریلار¹².

حسن کریمزاده، دکتور ح.ک.ص ذات عالی نین یازی سی نین داوامیندا اوخویوروق:

"با این منطق شما، ادعای دیگر سیدها یعنی سید احمد کسروی و سید جواد طباطبایی در مورد آذربایجان و زبان تورکی هم درست است. چون ادعای این "سید" ها (کسروی و طباطبایی) هم توسط دکتور گیرشمن فرانسوی، اومستد آمریکایی، دیاکونف روسی، حسن پیرنای ایرانی مورد تایید است. این "سید" ها و دکتورها ادعا کرده اند و می کنند آذربایجان تورک نیست بلکه آذری زبان هستند. پس ادعای "سید احمد اوبالی" هم مبنی بر وجود نداشتن "ملت تورک" صحیح است چون دکتور اصغری و ایشیق سونمز هم چنین نظری دارند!"¹³.

اوسته گوروندوگو کیمی مؤلیف یهود تاریخ اجماعسی طرفیندن فارسلیق اوچون یازیلیمیش اراجیف ایله دیلچیلیک آنلاییشی اساسیندا آذربایجان تورکچه سینده دانیشان توپلوما تاریخده آد وئرمک چابالارینی دگیشیک سالماقلا عوامفرییلیک ائتمگه چالیشار. بیلیندیگی کیمی یهود تاریخ اجماعسی طرفیندن فارسلیق اوچون قوراشدیریلیمیش جعل ماهیتلی آنلاییش تورات روایتلرینه یئنی داستانلار دوزه له رک اورتایا قویولارکن کئچمیش 250 ایله یاخین آذربایجان تورکلوگونه آد وئرمکلر و اونلاری بیر ملی توپلوم و ملت اولاراق تقدیم ائتمکلر آذربایجان تورکلوگونون دیل و مدنیت اؤزللیکلرینی و تورکلوکلرینی نظره آلاراق اورتایا قویولموش فاکتورلار اساسیندا اورتایا قویولموش. بیزلرین ده هدفی آذربایجان تورکلوگونو تانیملار و تعریف ائدرکن آذربایجان تورکلوگونو هوری و قیلمان دالیسیجا قاچماق دئییل، اونو عئلمی تعریفلر اساسیندا ایضاح ائتمک و دونیا بیلیم اوجاقلاری طرفیندن قبول اولونموش و دونیا دؤلتلری و دونیا سیاستی ساحه سینه قالدیراجاق و قبول اولوناجاق فاکتورلار اساسلانا. حسن کریمزاده،
دکتر ح.ک.ص ذات عالی گئنه ده یازمیش:

"در پایان عیب است بر فردی که عزرائیل رفیق سنگ مزارش است و یک پایش در این دنیا و پای دیگرش در آن جهان است برای شخصی کم سن سال از خودش چاپلوسی کند و ادعا کند گویا منتقدان از آن سخنان "سید اوبالی" می خواهند خودشان را رقیب سید احمد اوبالی نشان دهند و ... آنانکه قلم دارند رقیب هم دارند اما سعی نمی کنند رقیب کسی شوند"¹⁴.

اوسته گوروندوگو کیمی مؤلیف متیندن و یازیلیمیش مطلبدن دئییل، شخصدن الده ائتمیش تصور و خیالی ایله کوچه بازار یامانی دئمگه چالیشار. بو ذاتین ساحه سینه اؤزومو دوشورمگی ایسه اؤزومه اویقون حئساب ائتمیرم. حسن کریمزاده
دکتر ح.ک.ص ذات عالی گئنه ده یازمیش:


"جناب که در نوشته خود، خودتان را زبان شناس معرفی می کنید بهتر است بدانید ما با ادبیات مرسوم آن تی وی ننوشتیم. اگر قضیه وارونه بود یعنی مثلا "سید احمد اوبالی" از شیوه چای خوردن شما ناراضی بود و شما حتی در کامنتی ادعا می کردید ملتی بنام "ملت تورک" وجود ندارد حتما "سید" برای شما چنین جواب هجو و هزل آمیز جواب می داد که پیشاپیش از مخاطبان عذر می خواهیم: روزی یک خانم که بیماری "رحم" داشته به یک حکیم سنتی مراجعه می کند و او شروع به درمان با آغشته کردن ماست می کند همراه خانم زود می گوید جناب دکتر ما به این شیوه "آمیزش" می گوئیم حالا شما چگونه درمان می کنید الله اعلم"¹⁵.

اوسته گوروندوگو کیمی مؤلیف یئرلی و یئرسیز مطلب یونتاماغا چالیشار کن "رحم" ایله "رحیم" مسئله لرینی بیر بیرلرینه قاریشدیریمیش اولار. بو دا بو ذاتین "تورک دیلی" ایله "تورک

دیلرینی " بیر بیرلرینه قاریشدیردیغیندان ایلری گلن بیر ناشیلیک ساییلار. یئری گلیمشکن بو گولمجه نی بیزدن ائشیتیمیش اولسون:

"بیر خانیم نئچه قارین اوشاق گتیردیکدن سونرا داها آرتیق اوشاق گتیرمک ایستمزکن دوقتورا گئده رک اوشاق گتیرمک ایستمدیگینی دوقتورا بیلدیرر. شانسین پیسلیگیندن خانیمین اری نین ده آدی "رحیم" ایمیش. دوقتور خانیمی باشا سالماغا چالیشار. دوقتور: "- خانیم! آخشام ارینله یاخینلیق ائتمدن قاباق بو حبی "رحم"ین آغزینا قویار و سونرا یاخینلیق ائتمگه اقدام ائدرسینیز!"

خانیم ایسه، "رحم" کلمه سی ایله "رحیم" کلمه سینی بیربیرلریندن آیرد ائده بیلمدیگی اوچون یاتمادان قاباق حبی، اری نین (رحیمین) آغزینا قویار و یاخینلیق ائدرلر. دوققوز آیدان سونرا بیر داها اوشاقلاری اولار. خانیم بیر داها دوقتورا گئدر و حبین فایداسی اولمادیغیندان شیکایت ائدر. دوقتور بو ایشدن تعجب ائده رک اوندان نئجه حبی ایشلتدیگینی سوروشار. خانیم ایسه یاخینلیق ائتمدن اؤنجه حبی اری نین، رحیمین آغزینا قویدوغونو و یاخینلیق ائدیکلرینی دوقتورا آنلادار و تعریفلر.

اوسته کی گولمجه ده بیزدن سایقین حسن کریمزاده  دکتور ح.ک.ص ذات عالیله بیر سوغات اولسون. بئله لیکله بو ذات "تورک دیلیری" ایله "تورک دیلی"؛ "تورک ملتری" ایله "تورک ملتی" نی و اجتماعی بحثلر ایله کوچه باجا یامانلارینی بیربیرلریندن آیرد ائتمگه و تشخیص وئرمگه چالیشسین!

او اومود ایله!

قاینالار:


1 ایشیق سوئمز، سورقو: بعضیلری "احمد اوبالی" نین تورک ملتی آنلایشینی انکار ائتدیگینی ادعا ائدرلر. بو دوغرولتودا نه دئمک

ایستردینیز؟ <https://t.me/dilimdilimdildir/3169>

2 آذربایجان تورک ملتی یوخسا آذربایجان ملتی: <http://www.isiqsonmaz.com/Seite%20300.htm>


3 آذری یوخسا آذربایجان تورکو، آذربایجان ملتی و انتتیک گوئی آذربایجان توپراقلاری:


<http://www.isiqsonmaz.com/Seite%20299.htm>

4 حسن کریمزاده،  دکتور ح.ک.ص، "سید" ها بلای جان آذربایجان: <https://t.me/c/1153408846/12207>

5 احمد اوبالی، تورک ملتری: <https://t.me/dilimdilimdildir/3172> ویدئو اولاراق باخماق ایستگنلر اوچون:

<https://www.facebook.com/araz.yurdseven/videos/10157383547199758>

6 حسن کریمزاده،  دکتور ح.ک.ص، باخ اوسته: سیدها بلای جان آذربایجان.

7 حسن کریمزاده،  دکتور ح.ک.ص، باخ اوسته: سیدها بلای جان آذربایجان.

-
- ⁹ Hermann Vambéry, Das Türkenvolk in seinen ethnologischen und ethnographischen Beziehungen, Dresden, 1885.
- ¹⁰ Karl Foy, Azerbaidchanische Studien mit einer Charakteristik des Südtürkischen .MSOS (W), Bd. 6 (1903), S. 127-177
- ¹¹ Helmut Ritter, Aserbaidchanische Texte zur nordpersischen Volkskunde. Der Islam, Bd. 11 (1921), S. 181

<http://www.isiqsonmaz.com/Seite%20299.htm> ایشیق سؤنمز، آذربایجان تورکو و آذربایجان ملتی:

حسن کریمزاده، دکتور ح.ک.ص، باخ اوسته: سیده‌ها بلای جان آذربایجان.

حسن کریمزاده، دکتور ح.ک.ص، باخ اوسته: سیده‌ها بلای جان آذربایجان.

حسن کریمزاده، دکتور ح.ک.ص، باخ اوسته: سیده‌ها بلای جان آذربایجان.

12

13

14

15